

ք. Երևան

« 01 » փետրվարի 2020

«Հայաստանի հանրային հեռուստաընկերություն» ՓԲԸ-ն (այսուհետ Պատվիրատու), ի դեմս գործադիր տնօրեն Մարգարիտա Գրիգորյանի, ով գործում է կանոնադրության հիման վրա, մի կողմից (այսուհետ Կողմեր), և «Էյ Էս Սի» ՍՊԸ-ն (այսուհետ Կատարող), ի դեմս տնօրեն Ալեքսանդր Իսայիրյանի, ով գործում է կանոնադրության հիման վրա, մյուս կողմից, կնքեցին սույն պայմանագիրը հետևյալի մասին.

1. Պայմանագրի առարկան և պայմանները

- 1.1. Կատարողը պարտավորվում է մատուցել Պատվիրատուին հետևյալ ծառայությունը՝ 2020թ. ընթացքում կազմակերպել յոթ սեմինար «Հարկային օրենսդրության մեջ տեղի ունեցած փոփոխությունները և նորությունները» և «Աշխատանքային օրենսդրության մեջ տեղի ունեցած փոփոխությունները և նորությունները» թեմաներով՝ դասախոսության և հարց ու պատասխանի ֆորմատով (այսուհետ Սեմինար):
- 1.2. Սույն պայմանագրով նախատեսված ծառայությունների արժեքը /պայմանագրի արժեքը/ մեկ մասնակցի համար կազմում է 90,000 (իննսուն հազար) ՀՀ դրամ: (Կազմակերպությունը հանդիսանում է շրջանառության հարկ վճարող):
- 1.3. Վճարումն իրականացվում է սույն Պայմանագիրը ստորագրելուց հետո 35 (երեսունհինգ) աշխատանքային օրվա ընթացքում ըստ փաստացի մասնակցած անձանց թվով:
- 1.4. Բոլոր վճարումներն իրականացվում են բանկային փոխանցումների միջոցով:
- 1.5. Փոխանցումներն իրականացվում են Կատարողի բանկային հաշվին, որը նշված է Պայմանագրում:

2. Կողմերի իրավունքներն ու պարտականությունները

- 2.1. Պատվիրատուն պայմանագրի գործողության ընթացքում իրավունք ունի պահանջել Կատարողից մատուցվող ծառայությունների պատշաճ կատարումը:
- 2.2. Պատվիրատուն իրավունք ունի Սեմինարի ընթացքում փոխարինել Սեմինարին մասնակցող անձին: Կողմերը արձանագրում են, որ նման փոփոխության կատարումը չի համարվում նոր մասնակցի ընդգրկում և Պատվիրատուի մոտ նոր մասնակցի համար վճարման պարտավորություն չի առաջացնում:
- 2.3. Պատվիրատուն պարտավոր է ժամանակին վճարել Կատարողի կողմից մատուցված ծառայությունների դիմաց սույն պայմանագրի 1.2 կետում նշված գումարը:
- 2.4. Կատարողը պարտավորվում է ոչ ուշ քան հինգ աշխատանքային օր առաջ տեղեկացնել Պատվիրատուին հերթական սեմինարի օրվա և ժամի մասին:
- 2.5. Կատարողը տրամադրում է Պատվիրատուին վերջնական հաշիվ սեմինարի վերջին օրը:

3. Անհաղթահարելի ուժի ազդեցությունը (Ֆորս մաժոր)

3.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, եւ որը կողմերը չէին կարող կանխատեսել կամ կանխարգելել:

4. Եզրափակիչ դրույթներ

- 4.1. Պայմանագիրը կարող է ձևափոխվել կամ փոփոխվել միայն Կողմերի փոխադարձ գրավոր համաձայնությամբ: Պայմանագիրը կարող է ժամկետից շուտ դադարեցվել կողմերից մեկի ցանկությամբ՝ 2 (երկու) շաբաթ առաջ ծանուցելով մյուս կողմին:
- 4.2. Պայմանագրի կապակցությամբ ծագող վեճերը լուծվում են կողմերի միջև բանակցությունների միջոցով: Համաձայնություն ձեռք չբերելու դեպքում վեճերը լուծվում են համաձայն ՀՀ օրենսդրության:
- 4.3. Պայմանագիրը գործում է մինչև 2020 թ. դեկտեմբերի 31-ը:
- 4.4. Պայմանագիրը կազմված է հավասարազոր իրավաբանական ուժ ունեցող 2 (երկու) օրինակից, մեկական օրինակ յուրաքանչյուր Կողմին:

Կողմերի հասցեները, բանկային վավերապայմանները և ստորագրությունները

Կատարող

Պատվիրատու

« Էյ Էս Սի » ՍՊԸ

«Հայաստանի հանրային հեռուստաընկերություն» ՓԲԸ

Հասցե՝ ՀՀ, Երևան,

Հասցե՝ ՀՀ, ք. Երևան, Գ.Հովսեփյան 26

Լալայանց 47/ա 2., 22 բն.

Հեռ. 010 65 00 15

Հեռ. 095 58 36 02, 095 58 36 01

Բանկ: Արդշինբանկ ՓԲԸ

Բանկ: Ինեկոբանկ ՓԲԸ

h/h. 2470102796740000

h/h. 2052022108401001

ՀՎՀՀ 01540062

ՀՎՀՀ 02587852

